

**К 105-летию со дня рождения и 25-летию со дня пострижения в монашество монахини Параскевы (в миру Медведевой Анны Павловны)**

День рождения – 21.11.1914 г.

День пострига – 28.02.1994 г.

День смерти – 11.04.1994 г.



Акафист иночествующим и в девстве живущим, написанный епископом Тихоном (Тихомировым) и подаренный Анне Павловне Медведевой (будущей монахине Параскеве) 20 ноября 1943 г. на молитвенную память ко дню Ангела (мц. Анны, 22 ноября по старому стилю).

+

Дорогой Нюше  
На молитвенную память  
ко дню Ангела. Цвети, бла-  
гоухай, храни как зеницу  
ока, свое бесценное сокровище,  
и не давай угаснуть све-  
тильнику, который сам Же-  
них твой возжег в тебе во  
дни твоей ранней юности  
и да поможет тебе в  
этом этом посильный труд.  
От всегда помнящего ее св  
20 ноября МГ

+

Дорогой Нюше.

На молитвенную память  
ко дню Ангела. Цвети, бла-  
гоухай, храни как зеницу  
ока, свое бесценное сокровище,  
и не давай угаснуть све-  
тильнику, который сам Же-  
них твой возжег в тебе во  
дни твоей ранней юности  
и да поможет тебе в  
этом этом посильный труд.  
От всегда помнящего е. Тихона...  
20 ноября 1943 г.

**Акафист**  
**иночествующим и**  
**в девстве живущим**

**Кондак 4**

Бурею смущений, раздираешся немощное сердце мое, яко трость ветром колеблема и яко волна неимушая основания, егда стоях на распутиях мира сего, прельщаяся видением тленныя и суетныя красоты его. Ныне же, Царю мой Христе, ты ввел еси мя в тихое и небурное пристанище Твое и, яко невесту, обручил еси мя Небесному Чертогу Твоему. Сего ради даждь ми по словеси Твоему забыти земное отечество мое и дом отца моего, яко отныне Ты сам будеши мне и Отец и Мати моя. Ты – подателю жизни – Христе. Радуйся, незаходимый Свете, лик мудрых дев вопиет Тебе, совершенный Цвете, Любы, Разуме, Премудросте и Слове, - Аллилуиа.

**Икос 4**

Слышавше неизреченное пение Ангелов предстоящих вратам Небесного Чертога мудрыя девы, восхищенныя на брак Агничий и видяще уготовление Невесты Его, яже есть Церковь, немолчно вопиют: Возьмите врата князи ваша, и отверзстыми вратами приими и мене в Чертог Твой, Светоносная Царице, Непорочная и Прекрасная Невесто, небесною красотою дышащая и облеченная в виссон чист и светел оправдания святых, да и мы предстанем Христу, прославляя брак Твой, всеблаженная Отроковице, и принесем себе во всецелую и всесовершенную жертву, да девствуют вся составы души и тела моего, во еже чистыми усты воспевати Тебе: Иисусе Всесладкий, соблюди чисто и непорочно зрение мое, во еже не видити ми суеты мирския. Иисусе Вселюбимый, положи хранение устам моим, во еже ни единому слову гнилому не оскорбити живущий во мне, Дух Твой. Иисусе Вся Святый, Тебе молитвенно воздею преподобныя руки, да будет освященно все деяние мое. Иисусе Всеблагий, Тебе направляю ноги мои на путь мирен да будет безмятежно и непорочно все хождение и исхождение мое. Иисусе Всещедрый, Тебе представляю тело мое, в жертву живу благоугодную Тебе, во еже невозбранно послужити Тебе Единому Жениху моему. Иисусе Всемилоостивый, в руке Твой предаю дух мой, да не обладает мною всякое беззаконие: Иисусе Всежелаемый, сердце чисто созижди во мне, во еже возмощи ми зрети Тя сердечными очами моими. Иисусе Вседрагий, преобразуй мя обновлением моего ума, во еже не блуждати ми помышлениями моими по распутиям мира сего. Иисусе Всеправедный, Тебе бо прошу послужити всеми чувствами моими, да не отлучу себе от любве Твоея. Иисусе Всебесценный, Тебе бо отныне желаю девствовати и поститися и выну смиряти душу мою, да не отлучит мя от любве Твоея никакая же тварь. Иисусе, Владыко мой, Тебе бо

хощу девствовати от самого утра жизни моя, да от юности моя понесу благий ярем Твой. Иисусе Всецарю мой, Тебе молю сохранитися, в девстве до глубокаго вечера живота моего, да не в койи час отступлю от Тебе. Иисусе, Женише мой, Тебе ради девствую, и держа горящий светильник, сретаю Тя.

### *Кондак 5*

Богопреданную заповедь оставльше, горько плачут жалостнии девы вне врат, Небесного Чертога Твоего, Спасе, яко угасиша Свет Божественный во светильницах души своя, и не возмогоша внити в сокровищницу радостей, и блуждая во тьме кромешней, со слезыми горестно взывают: наги есмы чертога, наги и брака, крупно же и вечера, светельницы наша угасишася, яко безъелейныя, чертог заключися нам спящим, Вечеря снеседся, како дерзнем совнити в Чертог, одежда обличает, яко несть брачна, како воспоем: Аллилуиа.

### *Икос 5*

Видев, яко врата Небеснаго Чертога закрываются, юродивыя девы вопиют, во врата ударяюще: Господи, Господи, отверзи нам. Ты же, Господи, провещеваеши им страшный глагол сей: отъидите, не вем вас. Уклоньшеся от священнаго пути, сии жалостливиы девы не озаботишася, да приобрящут елеа для пути жизни; девство сохраниша, о других же о любви и милостыне небрегоша и, носяще не горевшие светлым пламенем светильники, стенают о девстве своем, имениями побеждаемом. Мы же потщимся свещи своя украсити, в добродетелех сияющи и со слезами многими, яко блудный сын, от сердца возопиим: Иисусе, Подвигоположнице мой, притекающаго из страны далечи, приими мя. Иисусе, Помощнице мой, изыди на сретение ми блудному расточившему богатство Твое. Иисусе, Покровителю кающихся грешников, вместо наемника паки Твоего сына сотвори мя. Иисусе, Искупителю заблудших, отверзи ми отеческия объятия Твоя. Иисусе, милости Подателю, от греха ко отеческому дому востекшаго приими мя любовью Твоея. Иисусе, Утешителю скорбящих, изнеси одежду первую мне обнаженному. Иисусе, Царю мой, даждь перстень обручения на руку мою, да пребудет со мною благодать Твоя. Иисусе, Судие мой, обуи нозе мои да востекут к Тебе стопы мои. Иисусе, Жизни Подателю, ветром Твоего благоутробия развей плеву злых дел моих. Иисусе, смерти Низложителю, даруй ми услышати пение и лики в пресветлом Чероге Твоем. Иисусе, Хлебе живота вечнаго, во гладе душевном узнуреннаго напитай мя на Божественней трапезе Твоей. Иисусе, Сокровище нетленное, богатство неизживаемое на небесех подаждь ми обнищавшему. Иисусе, Женише мой, Тебе ради девствую и держа горящий светильник, сретаю Тя.

### *Кондак 6*

Проповедник Любве Божественныя, святыи наперстник Твой и девственник, Иоанн Богослов, виде во Откровении блаженную брачную вечерю Твою, Господи, уготованную всем в чистом девстве и целомудрии просиявшим и услыша на небеси глас народа многа глаголющ: «Аллилуя, честь и слава, яко воцарися Господь Вседержитель, Радуемся и веселимся, яко прииде брак Агнчий и Невеста Его уготовила есть себе и облечеса в виссон чист и светел». Сего ради блаженни призванныя на вечерю Агнчу, яко вселится Господь с ними в тии людие Его будут и паки вкусят от древа жизни и испиют воды исходящия от Престола Божия. Подаждь и нам, Блаже, достойно испити от воды сея, текущия в живот вечный и воспети на вечери Твоей: Аллилуиа.

### *Икос 6*

Возсия вселенней кровь праведнаго Авела, перваго мученика и девственника, невинно излиянная от руки брата и глас крове его по смерти вопиет к Богу в купе с душами всех избивенных за Слово Божие: «Доколе Владыко Святыи и Истинный, не судиши от живущих на земли?» Сей явственню прообрази, Блаженне, на Кресте излиянную за грехи всего мира Кровь Твою, лучше глаголющую нежели Авелева, яко нам дадеса о Тебя не токмо веровати, но и страдати за Тя, и за данныя Тебе ради обеты девства, целомудрия и чистоты. Сего ради приими мя, Слове, во двory Твоя и даруй силу противостати всем возрастающим на мя искушениям от мира, плоти и диавола, да во умилении зову Ти: Иисусе, Крепосте моя, укрепи мя носити язвы Твой на теле моем. Иисусе, Радосте моя, отложи во мне ветхаго человека и облещи в новаго, в правде и преподобии созданнаго. Иисусе, Желание мое, Духом Твоим Святым запечатлей обеты моя в день избавления моего. Иисусе, Ограждение мое, жизнь Твою яви в мертвенной плоти моей. Иисусе, Свете мой, озари свет Твой во тьме сердца моего. Иисусе, Животе мой, свободи мя от тела смерти сия. Иисусе, Сладосте моя, сохрани сокровище Твое в глиняном сосуде плоти моя. Иисусе, Сило моя, умертви во мне уды плоти моя, да буду горняя мудрствовати, а не земная. Иисусе, Благоухание мое, потреби воню смертную во мне, да благоухает рососою Духа Святаго Твоего все житие мое. Иисусе, Упование мое, егда разорится земная храмина тела моего, уготовай мне храмину нерукотворену, вечну на небесех. Иисусе, Обновление мое, обнови, яко орля, юность мою. Иисусе, Очищение мое, очисти мя от всякия скверны, плоти и духа. Иисусе, Женише мой, Тебе ради девствую и держа горящий светильник, сретаю Тя.

### *Кондак 7*

Хотя сохранить чистое и непорочное девство, мужественный Твой, Спасе, отрок Иосиф величайшую получи мзду за целомудрие, вся бо терпит приснопамятный во образ во-истинну, Христов: в ров ввержен бывает, продается, от сродник, наипаче узы и темницу горькую приемлет яко мученик за девство и

целомудрие, бояся греха, жена же, пламенеючи похотию, насильственно влечет его (к блудному смешению), он-же, оставль ризу, бежит греха, сохрани (девственную) чистоту, наг, не стыдяшеса, яко первозданный (в раю) прежде преслушания, взывая Тебе: Тебе, Женише мой девствую, и пою Тебе песнь: Аллилуиа.

### *Икос 7*

Новую жертву принесе Богу Иеффай, не познавшую мужа дщерь, яко непорочную агницу, она же мужественно представляя образ плоти Твоея, Блаженне, не ужасеся обета отча, обаче сама побуждаше его, глаголюще: «отче, аще отверзл еси уста своя ко Господу, сотвори мне яко-же изыде из уст твоих», научая нас, како подобает свято хранить данные Господу обеты девства и чистоты. Взыдем же и мы с нею на гору Господню оплакати в нечистоте проводимое девство свое, со слезами взывающе: Иисусе, прежде даже до конца не погибну, спаси мя. Иисусе, прежде даже, не приити смерти моей, пошли покаяние, да горько оплачу житие мое. Иисусе, Врачу недужных, отмый скверну прегрешений моих. Иисусе Искупителю грешных, слез покаяния источник даруй ми. Иисусе, блудно иждих мое житие, спаси мя. Иисусе, приклоньшагося низу и сляченнаго к земли, возстави мя. Иисусе, послушанием Твоим разреши преслушание мое. Иисусе, воздержанием и постом страсти плотския покори уму моему. Иисусе, яко Петру руку помощи простри ми и спаси мя. Иисусе, яко к блуднице ощутившей Твое Божество, приклонися ко мне и разреши моя прегрешения. Иисусе, к Тебе прибегаю Пастырю Доброму, взыщи мя. Иисусе, к Тебе прихожду Врачу милостивому, спаси мя. Иисусе, Женише мой, Тебе ради девствую и, держа горящий светильник, сретаю Тя.

### *Кондак 8*

Странное и преславное чудо силы Твоея явися, Женише мой Христе, егда всему воинству мужей малодушествующу, единая точию смелая Иудифь вооружися молитвою на врага и рече: сокруши, Господи, гордыню женскою рукою. Не во множестве, Господи, крепость Твоя, ниже в сильных могущество Твое, но смиренных Ты еси Бог, малейших еси Помощник и Заступник, немощных и отчаянных Покровитель и ненадежных – Спаситель. И тако красотою зрака своего порази чужеземнаго вождя и среди нечистоты сохрани целомудрие свое и не сотвори греха. Мы же преклоняяся пред победительною силою смиреннаго целомудрия жены сия, поем Богу: Аллилуиа.

### *Икос 8*

Весь полон еси любве, весь полон и милосердия к любящим Тя и подвизающимся Тебе ради, Ты бо рекл еси: «Аще бы и жена забыла исчадие свое, Аз не забуду тебе». Сего ради несть ни единого, иже оставить дом свой, или братию и сестры, отца или матерь, жену или чада своя Тебе ради и Евангелия, аще не

приимет ныне во время сие в сто крат более домов, братий и сестер, отцев, матеей и чад, а в веке грядущем – живот вечный. Ты, Господи, тако укрепил еси святых триех отроков Ананию, Азарию и Мисаила в подвизе девство и поста и наипаче Сам посетил еси их в мучении, егда ввержени бяху в разженную печь и увенчал еси их троякими венцы: девства, постничества и мученичества, с ними же и мы, Господи, с любовию зовем, Тебе таковая: Иисусе, Ты возлюбил еси до конца вся сущии с Тобою ученики, возлюби и ныне Тебе последовавших и вся оставльших. Иисусе, Ты незримо приемлиши обетования, и исповедания наши, восприими, объими и защити нас к Тебе пришедших. Иисусе, Ты не возгнушался еси лобзания целомудренныя блудницы, не возгнушайся и ныне нас к Тебе долу припадающих и распеншихся Тебе. Иисусе, Ты допустил еси блуднице разрешити власы Своя и отгертети ими пречистыя стопы Твоя, разреши словеса грехопадении моих. Иисусе, с мытари и грешники трапезовый, приими мя на вечерю Твою. Иисусе, разбойника благоразумнаго о едином часе раеви сподобивый, и мене древом крестным просвети и спаси. Иисусе, Ты благоволил еси Симону Киринейскому понести Крест Твой, сподоби и мне понести крест от Тебе назначенный. Иисусе, Ты запретил еси ученику Твоему взявшему рало обратиться вспять, даждь и мне, наченшу путь Твой, не обращаться паки в мир сей. Иисусе, Ты облачил еси мя обнаженнаго добрых дел, препояши чресла моя воздержанием. Иисусе, Ты покрыл еси главу мою покрывалом девства и чистоты, уцеломудри вся помышления моя. Иисусе, Ты даровал еси мне обручение Ангельскаго Образа, да будет отныне все жительство мое на небесех. Иисусе, Ты заповедал еси не любити мира и вся яже в нем, даждь ми любити Тя паче всякия земныя лукавыя любви. Иисусе, Женише мой, Тебе ради девствую и, держа горящий светильник, сретаю Тя.

### *Кондак 9*

Всякое естество Ангелов и чеовек удивися величию целомудрия блаженныя Сусанны, яко восхоте лучше претерпети смерть, нежели изволити на блудный грех с незаконными старцы и рече: «унше мне впасти в руки ваши, злые развратителие и смерть претерпети, нежели согрешити, пред Господом». Егда же сия блаженная жена ведена бысть на смерть, со слезами возре на небо, сердцем же возложи упование на Бога и возопи к Нему: «Боже Вечный, Ведающий сокровенное, се умираю, неповинна». И Ты, Господи, внял еси ей, и спасл еси жизнь ея. Помози и нам, готовыми быти за девство, целомудрие и чистоту понести всякия скорби, труды и тесноту, точию да не согрешим пред Тобою и чистыми усты воспием Тебе: Аллилуиа.

### *Икос 9*

Вытия многовещанныя не могут по достоянию изобразити равноангельскую чистоту перваго в новой благодати мученика и девственника и постника Великаго Иоанна, Твоего, Христе, Крестителя и Предтечи. Сей бо, омывши люди чистительными потоки крещения, незаконно отведен бысть в темницу и на

смерть за девство и целомудрие, и проливая свою неповинную кровь, вопиаше: Тебе, Женише мой, девствую. С ним же и мы и взываем Тебе таковая: Иисусе, горлицу пустыннолюбивую Предтечу Твоего в пустыне водворивый, от многмятежия мирскаго в безмолвие пустынное духа моего водвори мя. Иисусе, Агнцем Божиим вземлющим грехи мира от Предтечи Твоего нареченный, возьми грехи мои. Иисусе, Пришедший взыскати и спасти погибшее, взыщи мя, яко овцу заблудшую. Иисусе, Стояй и Толкий у дверей сердца моего, прииди и обитель Твою сотвори у мене. Иисусе, покаянием оставление грехов человеком даровавый, возведи мя от рва глубокаго страстей моих. Иисусе, Манассиины слезы приемый, приими стенания и воздыхания души моея. Иисусе, грешнице давый оставление грехов ея, разруши воздвигаемую и на мя бесовскую бурю плоти моея. Иисусе, Долготерпеливый о наших согрешениях, умертви плотское мудрование мое. Иисусе, не хотяй смерти грешника, помилуй осквернившуюся в страстях душу мою. Иисусе, Боже кающихся, секирою покаяния посеки терние грехопадений моих. Иисусе, во Иордане от Иоанна Крестивыйся, крещением покаяния и слез обнови дух мой. Иисусе, в пустыне в пощении сорокодневном Пребывый, постом богоприятным убели и очисти оскверненное сердце мое. Иисусе, Женише мой, Тебе ради девствую и, держа горящий светильник, сретаяю Тя.

Продолжение следует.

Материал подготовил  
+ *еп. Гедеон.*